

Racoiüda dl refodam da tosser en dedolönesc, ai 2 de messé:
- a San Martin dales 9.00 ales 10.00 dan le magazin di stödafüch
- a Lungiarü dales 10.30 ales 11.30 dan le magazin di stödafüch.

La doturia Grete Mahlkecht vá en ferias dai 17 ai 28 de jügn y vëgn sostituida dal dotur Eduard Agreiter 333 13 80 852.

PLOANIES SAN MARTIN Y LUNGIARÜ

La Uniun dles Ęres dl Decanat Val Badia inviëia geniturs che á n viadú da batié, përs che aspeta, toc y totes dl decanat ala preparaziun dl Bato, en sabeda ai 6 de messé dales 15.00 ales 17.00, te salf de colonia a Corvara. Le de vëgn stlüt jö cun n pice renfrësch arjigné dala Uniun dles Ęres. Prenotaziuns al 334 3200396.

Ai 29 de jügn, festa de San Pire y San Paul, sarál la prozesciun da San Linert sö La Crusc cun santa mëssa y ores d'adoraziun. Le lift ne jará nia ciamó.

Le Consëi de Ploania d'Al Plan inviëia dötes y düc la domënia, ai 7 de messé, dales 17.00 te salf dles manifestaziuns a Al Plan, a na incuntada cun padre Stefano Trevisan, miscionar combonian d'Al Plan. Do süa mëssa noela é padre Stefano gnü mené t'l'Africa, t'l sūd dl Sudan, te na misciun dala meseria, te posc scialdi da parü, olache al mancia les strades. Sëgn do da trëi agn él chiló y al ves incunta ion por ves mostra fotografies y ves cunté de süa misciun y dles esperiënzes che al á fat.

SAN MARTIN

En vëndres, ai 28 de jügn, vegnel indô sié dales 15.00 inant la cortina. Chi che á dlaurela é bel peria da gni a daidé (da bur tēmp le de do).

LUNGIARÜ

La popolaziun da Lungiarü ti dij de cör n gran dilan a düc i Stödafüch por so gran impëgn y le laur sfadius ch'ai á fat por la proteziun dl paisc da Lungiarü cuntra la smöia dl Rü da Seres. Tröc n'ess nia salpü co se defëne y se mëte al sigü zënza l'aiüt efiziënt di Stödafüch.

La Ciasa de Palsa á l'intenziun da tó sö personal da puzené cualifiché a tēmp determiné cina d' otober/novëمبر por 24 o 29 ores al'edema. Sc'i sëis interessé/ada präibel cherdede sö 0474-524786 o scriede a valentin.erlacher@ciasadepalsa.it

La Ciasa de Palsa lascia alsavëi: Sciöche bele ti agn 2022 y 2023, pëiel ince ia t'l ann de scora 2024/2025 n curs de formaziun da operadú/ëssa sozio-sanitar/a por talian. Le post de formaziun sará a Nals - Lichtenburg. Al é la poscibilité da fá chësta formaziun tratan l'orar de laur, olache le 75% dla teoria y le 100% dl practicum vëgn reconesciü. Bele tratan la formaziun vëgnel stlüt jö n contrat de laur cun retribuiziun y paiamënt dles cutes por la ponsiun. Sc'i sëis interessá/ades präibel cherdede sö 0474-524786 o scriede a valentin.erlacher@ciasadepalsa.it cina ai 5 de messé 2024.



unitepastorala.org

Plata dles Ploanies San Martin y Lungiarü

ploan siur Klaus Sottsas 344 15 54 055 - ksottsas@rolmail.net
redaziun: anton.gasser@rolmail.net - 348 27 44 517 / 0474 523 194

23.06. - 30.06.24 n. 30

termo por comunicaziuns: jöbia, dales 20.00

12ª DOMËNIA IA POR L'ANN B

Vangele do san Merch 4,35-41

En chël dé, canch'al ê gnü dassëra, ti à Gejù dit a sü discepui: I jun ia sön l'atra spona. Ai à ortié demez la jënt y é pià ia cun chë barca, sön chëra che ël ê senté; n valgönes d'atres barches l'acompanã. Te n iade él gnü n vënt rodel dër sterch y les ones batô sura barca ite, tan che la barca â metü man da s'impli d'ega. Mo ël s'un stô ponü te barca iadedô sön n plomac y dormî. Ai l'à cherdé y scraiã: Maester, ne t'un vëlel nia ch'i jun sot? Dailò él lovè sö, ti à manacé al vënt y ti à dit al lëch: Scuta, sta chit! Y le vënt s'à sbonè, y al ê gnü döt chît. Y al ti à dit: Ciodî ëise pa na te' pôra? Ne n'ëise ciamò degöna fede? Dailò ài ciafè na gran tēma y ai dijô un al ater: Cî sort de n chestian é pa chësc, ch'al é finamai le vënt y le lëch che ti olga?



Canche l'ega nes vëgn cina sö al col y les ones bat adöm sura nosc ce, dailò pé l'ara é finida: desfortünes, maraties, raporc familiars che vá en toc. La tēma y la desperaziun di discepui é da capí, mo nia tan la domanda de Gejù: Ne n'ëise ciamò degöna fede?

La pert plü importanta de chësc vangele é tles prömes risses: I discepui ne vá nia fora söl mer ma insciö por jí, mo en comunité, ai se mët sön tru cun Gejù, sön so invit. Porchël él na chestian de fede sc'i la dun sö defrunt ales ones o sc'i confidun tla comunité cun Gejù y te süa presënza.

Confidunse tles tempestes de nosta vita t'l'impometüda de Dî che ël ne se lascia nia jí sot?

Te Deum

EDEMA - B	SAN MARTIN	LUNGIARÜ
23.06.24 12ª DOMËNIA ia por l'ann B	<i>Jan Batista - patron dla dlijia da S. Martin</i> 8.30 Corona 9.00 Liturgia dla Parora de Dî	7.50 Corona (pater Franz) 8.15 Gran Mëssa por la Comunité por le püres Animes dl ann + Sabina Clara dl ann + Agostin Daporta + Ida Clara, Mair + Vinzenz Clara, Postin
24.06.24 Lönesc Nadé de San Jan Batista		
25.06.24 Dedolönesc <i>Eleonora, Max</i>	8.00 Mëssa + + Pire y Ida Erlacher	19.30 Corona tla capela de S. Ojöp Fr.
26.06.24 Dedemesaledema <i>Vigile da Trënt, Pelaje</i>		7.30 Mëssa a d'intneziun a Sant Ojöp Fr. + + Agostin Daporta y Maria Mischi
27.06.24 Jöbia <i>Hemma da Gurk, Ziril</i>		
28.06.24 Vëndres <i>Ireneus, Vinzenzia</i>	18.30 Adoraziun chîta 19.00 Adoraziun deboriada	
29.06.24 Sabeda San Pire y San Paul	<i>degöna mëssa p'festia</i>	
30.06.24 13ª DOMËNIA ia por l'ann B	9.30 Corona (siur Klaus) 10.00 Gran Mëssa por la comunité + + dl Jänder + Franz Planatscher + Otto Erlacher + Nadalin Alfreider + Maria de Marin	7.50 Corona 8.15 Liturgia dla Parora de Dî

Sciöche jomelins stá les döes gran statues de san Pire y san Paul dan la basilica dl Vatican che i recorda sciöche i pilastri plü importanc dla storia dla Dlijia.


Scimun ê pesciadú denanch'al gniss cherdé da Gejú sciöche un di pröms da ti jí do.

Gejú ti á dé l'inom de Pire por indiché sua inciaria de crep de fundamëta dla Dlijia.

Do la mort de Gejú söla crusc é sté Pire un di pröms testimoni dla ressureziun. A ce di apostui ál fistidié che i discepu s'abinass indô a Ierusalem y portass inant la noela dla ressureziun y dla salvëza.

Ince sce le Testamënt Nü ne dij nia, él sigü che san Pire é rové a Roma olach'al é gnü martorjé ti agn 64 o 67.

Ël é le pröm vëscio dla Dlijia da Roma.



Paul, daimpröma Saulus, fi de na familia iudaica, odô ti cristians n gran prigo por sua religiun iudaica. Sön le tru da jí a Damascus a porseghité i cristians ál albü na vijun de Gejú cruzifijé. Chësta esperiënza l'á condüt a na converjiun radicala. Al s'á lascé batié y é diventé miscionar dantadöt di pagans.

Sön sü trëi iadi de misciun ál fondé les prömes comunités cristianes dl'Europa, a chëres ch'al ti á scrit deplü lëtres che tol ite na gran pert dl Testamënt Nü. Incë san Paul é rové sciöche san Pire inultima a Roma olach'al é mort sot ales porsecuziuns dl imparadú Nero incër l'ann 64.